

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

XI. Ioannes VIII. Episcopos Gallicanos revocat ad observationem priscæ consuetudinis. Temperamentum Hadriani II. in causis Presbyterorum.  
Eorum successores appellations Presbyterorum admisere.

**urn:nbn:de:hbz:466:1-15617**

à Roma mittebatur, deliberationi Concilij obnoxium erat. Mitigatus tandem est animus Nicolai, quoad jura Regum in Episcopos. Agnoscit enim eam illis auctoritatem inesse ut prohibere possint ne Episcopi Roman accedant, neque id ulla modo exprobrari posse Episcopis, si obsequio suo prohibitionem exequantur. Attamen contendit posse Reges vituperari, si ea auctoritate abutantur. *Quod si qui ex confratribus nostris Episcopis talia nobis misissent, habueramus qualiter illos reprehendere & arguere deberemus;* excepto si regalem magnitudinem vestram sibi impudore dixissent, in vobis hoc reprehendere & corrigi deberet videretur. Videbimus postea in capite xvi. quid sexennio post in Octava Synodo tentaverit Summus Pontifex adversus jura regni Francici.

XI. Et Ioannes quidem octavus videtur majorum antiquarum institutionum curam habuisse, post acceptam Caroli epistolam, quam decreto Concilij octavi inniti conficiebat. Quippe Sigebodo Narbonensi Archiepiscopo exprobrat facinus quorundam Episcoporum provinciae Narbonensis, qui Presbyterum quendam accusatum ad sedem apostolicam accedere iusserant, interim verò eum suspenderant, ac quibusdam epitimiis, id est, pœnitentias, oneraverant, donec alter Summus Pontifex statuisset. Porro ea de causa Presbyterum illum Romani Episcopi judicio commiserant, quod, ut ait Pontifex, causa dubia esset. Addit verò, recte illos ita agere potuisse, si eā in plenario Concilio (quem loquendi modum haufit è Ferrando Diacono) examinata, constitisset esse difficilem. Eo enim casu consuli potuisse sedem apostolicam, secundum antiquam consuetudinem: *Vt ita facta scripto relatione, inquit, se quid dubium sibi seu difficile ingessisse videatur, nostrum super hoc more prisco decretum exposcent.* Quapropter Ioannes cognitionem illam ab eo Metropolitano suscipi jubet, ut jure proprio eam definiat cum collegis suis: *Ergo saltem nunc fraternitas tua, Metropolitanus jure potita, ex Episcopis sub se degentium vel vicinorum sex, una cum Episcopo cuius est iste paracia, sibi socians, tantum negotium subtili ventilem discussionis ventilabro, & invento quod justum est canonice decernat, & communis fratrum censura definitat.*

Hadrianus secundus Ioannis octavi defensor quandam moderationem adhibuerat in causa Herlefridi Presbyteri, qui provocaverat à judicio Episcopi sui ad sedem apostolicam tanquam ad caput omnium Ecclesiastarum. Nam laudato Carolo Calvo Rege, qui Presbytero illi permiserat iter Romanum, æquum esse censet ut injusta sententia

ab Episcopo lata in Concilio civitatis, irrita esse jubeatur in Concilio provinciali. Hinc mari Archiepiscopi auctoritate: *Quod praesentem Presbyterum Herlefridum, potestate sui Presulis plus quam canonica veritate perculsum, ad sedem apostolicam, utpote caput omnium Ecclesiastarum, venire passi estis, bene quidem fecistis. Sed nunc melius faceritis, si quod in civili Concilio apud suum Episcopum perperam gestum est, in provinciali synodo apud vos ratiabiliter & apud fratrem nostrum Hincmarum Archiepiscopum cassaretur.* Tum id quoque Regi tribuit, ut eundem Presbyterum procuret Ecclesiæ suæ reddi usque ad celebrationem synodi; vel Episcopum cogat Romanum mittere Legatum, quod parte utraque audita, statuatur prout justum visum fuerit; quemadmodum constat ex epistola Hadriani scripta anno octingentesimo sexagesimo nono. Agnoscit itaque auctoritatem Metropolitani, cui negotium istud judicandum relinquit; ac tamen indicat cupere se ut causa apud sedem apostolicam judicetur, si Rex ita pateretur. Ejus tamen arbitrio rem integrum permittit.

Hadriani & Ioannis successores, ruptis canonum cancellis, appellations Presbyterorum admisere; adeo ut Gregorius VII. in Decretis suis, quae vulgo *Decretatus Pape* dicuntur, hoc quoque præcepit: *Ut nemo audeat condemnare apostolicam sedem appellantem.* Quod in jus commune versum est in Decreto Gratiani & in libris Decretalium.

XII. Quæri solet, utrum præter exercitium illud jurisdictionis Concilii provincialibus inesset potestas condendi decreta canonica. Et in praxi quidem veteris Ecclesiæ dubitari non potest quin ita fieri posset, modò tamen ea decreta contraria non essent canonibus Conciliorum generalium. Exemplo erunt Concilia Gallicana, Valentina quippe Synodus coacta anno trecentesimo septuagesimo quarto, cui interfuerunt Episcopi provinciae Viennensis, decreta sua misit, ad universos Episcopos Galliarum & Quinque provinciarum. Ita pariter Synodus Reiensis in secunda Narbonensi coacta anno quadragesimo trigesimo nono, Arauciana prima anno quadragesimo quarto, Valensis anno quadragesimo secundo, Andegavensis in provincia Turonensi anno quadragesimo quinquagesimo tertio, Venetensis in eadem provincia anno quadragesimo sexagesimo quinto, Arelatensis quarta anno quingentesimo vigesimo quarto, Carpentoratensis in eadem provincia anno quingentesimo vigesimo septimo. Synodus Arauciana secunda habita anno quingen-

Epist. 11. Hadr ad  
Carolum Calvum.